




**KANTON SARAJEVO**  
Kantonalna javna ustanova  
za zaštićena prirodna područja

**CANTON SARAJEVO**  
Cantonal Public Institution  
for Protected Natural Areas

3184

Broj: 07-2-594-1/26  
Sarajevo, 04.08.2026. godine

Bosna i Hercegovina  
Federacija Bosne i Hercegovine  
KANTON SARAJEVO



**SKUPŠTINA KANTONA SARAJEVO**  
N/r predsjedavajućeg Skupštine Kantona  
Ulica: Reisa Džemaludina Čauševića broj 1  
71 000 Sarajevo

**PREDMET:** Izjašnjenje po zastupničkom pitanju – dostavlja se  
Veza: Vaš broj i datum, 01-04-31246-58/26 od 20.07.2026. godine

Dana 03.08.2026. godine Kantonalna javna ustanova za zaštićena prirodna područja, zaprimila je dopis-  
Izjašnjenje veza broj i datum gornji. Dopisom se traži da se ova javna ustanova izjasni na zastupničko  
pitanje upućeno od skupštinske zastupnice Belme Kapo. U zastupničkom pitanju se traže slijedeće  
informacije:

**I PITANJA VEZANA ZA ODRŽAVANJE KORIDE NA IGMANU DANA 19.07.2026. GODINE:**

1. Da li je tačna informacija o najavljenom događaju koja se pojavila na društvenim mrežama?
2. Da li ste informisani o navedenom događaju i da li ste izdali odobrenja za održavanje događaja?
3. Da li je tražena i izdata saglasnost od upravljača zaštićenog područja?

U kontekstu gore navedenog kroz nekoliko važnih činjenica dajemo slijedeći:

**ODGOVOR**

Shodno članu 3. stav (1) Odluke o osnivanju Kantonalne javne ustanove za zaštićena prirodna područja ("Službene novine Kantona Sarajevo", broj 31/17), ova javna ustanova upravlja isključivo zakonom proglašenim zaštićenim prirodnim područjima i to Spomenikom prirode "Skakavac" proglašenim 2002. godine, Zaštićenim pejzažem "Bijambare" (2003.), Spomenikom prirode "Vrelo Bosne" (2006.), Zaštićenim pejzažem "Trebević" (2014.) i Zaštićenim pejzažem "Bentbaša" (2017.). Upravljanje se vrši u skladu sa zakonima o proglašenju zaštićenih prirodnih područja, prostornim planovima područja posebnih obilježja, planovima upravljanja i drugim propisima.

Područje Igmana nije formalno-pravno zaštićeno prirodno područje, niti je dato na upravljanje ovoj Javnoj ustanovi. Iz tog razloga sva prethodno navedena pitanja koja se odnose na organizaciju, izdavanje odobrenja i nadzor aktivnosti na tom prostoru nisu u nadležnosti Kantonalne javne ustanove za zaštićena prirodna područja. Ova Javna ustanova, kao upravitelj zaštićenih prirodnih područja Kantona Sarajevo, ne raspolaže službenim informacijama o navedenim aktivnostima niti ima zakonom propisane nadležnosti u vezi s njima.

Sva zaštićena prirodna područja kojima upravlja ova Javna ustanova proglašena su od strane Skupštine Kantona Sarajevo u različitim vremenskim periodima. Progašenje svakog novog zaštićenog područja pratilo je usklađivanje propisa u cilju uređenja nadležnosti ove Javne ustanove, pa je zadnja odluka o osnivanju usvojena od strane Skupštine Kantona 2017. godine nakon proglašenja Bentbaše zaštićenim područjem, kada je i taj prostor povjeren Kantonalnoj javnoj ustanovi za zaštićena prirodna područja na upravljanje.

Napominjemo da su svi izvještaji o radu i programi rada ove Javne ustanove redovno dostavljani Skupštini Kantona Sarajevo te su zastupnicima dostupni na razmatranje i usvajanje. U navedenim dokumentima jasno su definisana zaštićena područja kojima Javna ustanova upravlja, kao i aktivnosti koje provodi s ciljem njihove zaštite, očuvanja i promocije.

Koristimo ovu priliku da izrazimo spremnost za kontinuiranu saradnju sa zastupnicima u Skupštini Kantona Sarajevo. Kao ustanova čiji je osnivač Kanton Sarajevo, stojimo na raspolaganju za dostavljanje stručnih informacija, pojašnjenja i svih podataka iz naše nadležnosti, kako bi javnost bila pravovremeno i tačno informisana, a zastupnici imali potpunu stručnu podršku u obavljanju svoje funkcije i kreiranju inicijativa iz oblasti zaštite prirode.


Vjerujemo da upravo kroz otvorenu saradnju i razmjenu informacija Vi kao zastupnica, u okviru svojih nadležnosti, možete dati značajan doprinos unapređenju zaštite prirode i razvoju zaštićenih područja u Kantona Sarajevo, imajući u vidu da se status zaštićenih područja od III do VI kategorije po IUCN kategorizaciji uspostavlja odlukama kantonalnih skupština, a prema Zakonu o zaštiti prirode F BiH ("Službene novine FBiH" broj 66/13 i 10/25).

U tom smislu, Javna ustanova će i ubuduće biti pouzdan partner i stručna podrška svim inicijativama koje doprinose očuvanju, unapređenju i održivom upravljanju najvrijednijim prostorima našeg kantona.

S poštovanjem,

Pripremila: Denisa Dedić-MA biologije/ek  
*Stručni savjetnik za biodiverzitet i održivi r*

Kontrolisala: Harita Čolaković-dipl.ing.šun  
*Pomoćnica direktora*



Asa

polj.

Dostaviti:

1. Naslovu
2. Arhivi Javne ustanove